

28 Mei 2012

Sindiket 2S tumpas

Oleh MOHD. HAFIZ ABD. MUTALIB

utusankelantan@utusan.com.my



Amran Ramli (dua dari kanan) bersama pegawainya memeriksa dadah dan wang tunai yang dirampas daripada kumpulan 2S pada sidang akhbar di Kota Bharu, Kelantan, semalam. -Utusan/ Zuharman Mohamad Nor

KOTA BHARU 27 Mei - Polis menumpaskan sindiket pengedaran dadah dikenali sebagai 2S yang giat menjalankan aktiviti di Kota Bharu, Pasir Mas, Gua Musang dan Kuala Krai ekoran penangkapan dua lelaki dipercayai ketua kumpulan tersebut dalam satu operasi pada Jumaat lalu.

Suspek iaitu adik-beradik berusia 20 dan 24 tahun itu ditangkap dalam serbuan di sebuah rumah di Kampung Mentangga Bukit Panau, Tanah Merah pada pukul 6.50 pagi.

Ketua Bahagian Siasatan Jenayah Narkotik, Ibu Pejabat Polis Kontinjen (IPK) Kelantan, Supritendan Amran Ramli berkata, operasi dijalankan Jabatan Siasatan Jenayah Narkotik (JSJN) IPK Kelantan dan JSJN Gua Musang itu berjaya merampas 4,092 biji pil kuda bernilai RM143,220.